

盤洲文集

七



草六十七首

錢仲挽詩

十首



佩蘭苞芷楚三閭騁祕抽妍漢子虛甘向黑頭辭印
綬肯將白眼對圖書清規盡入先賢傳總帳空馳長
者車千里纏悲付虞殯西風吹淚著襟裾

秋來鴻羽得新文不謂回封限九原起起若為償歲
夢嘻嘻無復對朝言一編徒挂延陵劍三徑誰開靖
節樽塵迹蓋棺渾莫問墓頭黃石拜兒孫

程通判挽詩二首

登州二卷卷一

張海

力行先孝友潛處伴耕日奉斑衣戲風移尺布謠
白頭方得祿朱紱便登朝軍作驂駟折松煙喝鼓簫
日游通德里會面蓋先傾我作南垂去君成東蓼行
忽持芻束莫忍聽齷歌聲為看三珠樹門高莫與京

熊直閣挽詩二首

文石榮三接君王鄉屢前蒲鞭如漢日益筴有蘇天
未上甘泉道俄開京北阡傳家文史足不在一囊錢
居巷相南北登門久歲時温言流肺腑和氣見頰眉
日具長沙傳年凋絳縣師春雲冒丹旄同會袂成帷

中大族伯挽詩二首

笑談登月窟轉眄夏天池十載董狐筆兩州龔遂祠
文章傳古法名姓畏人知忽作龍蛇夢今無甲子疑
久矣宮盤谷幡然築大逵方瞻烏亦好已問鵬何之
無復竹林會忍聞蒿里期行行朔西日有淚若連絲

朱承事挽詩

鄉關聞德耀子姓有佳聲五十貴不驗三千功已成
山幽雙劍合桂近一枝榮他日先賢傳來之月旦評
感縣尉挽詩

共在鄉人後相高君子前家聲部大鼎利器楚龍淵
不相買臣貴竟傳梅福仙只令空漬酒落筆更悽然

大慶州一集一

二

海

程參政挽詩三首

身近長安日官無州縣勞黃麻襲姚姒赤舄等伊咎
量與南溟闊名如北斗高十年蟠綠野軒冕一秋毫
聖主更琴瑟真儒政事參上階占兩兩東第得潭潭
忽卧漳濱疾虛傳澠水談驂駒好千里底事學吳蠶
一顧驚增價兼收鴈作行篇章非子墨藻鑿誤雌黃
雲淡番君國年荒陸氏莊眼看飛旄出雨泣漫淋浪

李沅州挽詩二首

籍籍臺郎日臯蘇遠拍肩疏陳三尺法制可九重天
不使金橫帶俄驚酒漬縣平亭知有報高蓋拂脩椽

朱轡今素幔歸路乃長迷露菊荒三逕春棠疊五溪
新丘悲寓馬陳迹記談犀淚迸無乾袖重雲入望低

程司戶挽詩

把酒論詩日高標迥絕塵那知三語椽便作百年人
山霧銘旌濕松風挽鐸頻流光須有後何必在其身

程樞母永嘉郡夫人挽詩二首

華族鳴徽久閨風藹德門鴻樞看子貴象掃拜君恩
純孝纏吹棘端憂墮得萱板輿無復御舊迹識家園
赫奕家聲振吾鄉今所稀北堂黃髮壽西府黑頭歸
方羨含飴樂俄聞侍膳非萬家旁置處空愴白雲飛

郭太尉挽詩

間適珍臺腆舊儀趣歸方俟詔封泥人生七十古猶
少執政二三今與齊忽見墓門陳石馬空懷賓閣奉
金犀不須知識方流涕處處俱成桃李蹊

羅尚書挽詩三首

周旋儀禁路契合本孤忠帝識尚書履人驚御史驄
貴名青史上讜論皂囊中不入三台志鹽梅事竟空
當年持從橐白髮奉親闈安否君王問尊榮簡策稀
祥琴曾未御丹旄已同飛蕭瑟千章栢深藏五綵衣
連蹇魚符忝宗師藻鑑亡但瞻楊子宅莫避蓋公堂

遠水松區對東風，緋路長九原。精爽在遺恨，一莊荒

向通判挽詩二首

屢薦聲名白，低飛鬢髮蒼。平生幾朱紱，夢寐一黃梁。
利刃盤根出明珠，後乘光洪都。囚不死，陰德未渠央。
里社承顏舊，情非數面親。令名高月旦，和氣藹陽春。
乍聞談揮塵，俄驚冢卧麟。濡毫記遺事，顧我不如人。

俞淑人挽詩

名父尹京日，移天冠栢臺。齊眉豐俎豆，繼踵蛭塵埃。
德比人如玉，情鍾子在梅。山高雲不去，虞殯有餘哀。
何宜人挽詩

心了金剛偈，身膺石窞封。靈津雙劍合，平壤萬家容。
感慕風吹棘，悲涼霧喝松。鄉人清淚落，可但輟鄰春。
魏恭人挽詩

儒門傳禮法，婦道有初終。石窞重封貴，金章上壽同。
含飴談往日，吹棘愴來風。緋路芻靈隘，春朝里巷空。
沈淑人挽詩

尊章歡二姓，八座對厓眉。井井傳家法，繩繩賴母儀。
川靈雙劍躍，壤吉萬家移。多少龍灣樹，雲藏不盡悲。
余吏部挽詩三首

石月顛門學儒林，譽翕然。藿鹽家有塾，菽水生無疆。

孝永趨庭日名成佩韞年流芳千載下不減漢章賢
入臺光六察言事過同寮可畏觸邪豸元非開口椒
召來仍襍被老去但乘輶未報蒲輪聘巫陽已下招
清音扁新閣山色送溪聲尚欠題詩債難尋把酒盟
囊空無長物甌墮底浮名紼路它州遠臨風淚睫橫

章通判挽詩二首

丹青箝薦口白首滯微官涉世無圭角論文出肺肝
翔鸞說秋浦展驥到新安泉下齋遺恨絲綸趣掛冠
富州春再見風月款平分翠竹曾留我紅梅獨對君
遺書成掛劍揮涕屢霑巾千里佳城閉哀笳不得聞

陳左相挽詩三首

盛德波千頃清風偃俊躔兩朝隆柱石四海入陶甄
致主唐虞上齊名房杜前期願慳上壽底處問蒼天
往昔旄頭起群心共震驚指麾戎幕固談笑虜巢傾
繡黼重當國擅裘即斂兵巖巖謝安石不數晉公卿
天意尊黃髮人扶上玉墀傳呼晝接後邂逅日斜時
瞻仰三台坼淪亡一鑑悲千秋名不朽奎畫在豐碑

楊和王挽詩二首

矍鑠戎韜出魁梧玉帶輕良家三世將莫府萬人英
長嘯臨天塹妖氛散虜營黃墟有遺恨不見朔方平

三紀羽林衛千秋彝鼎銘拔材多勇爵教子寶遺經
淮上開王社雲邊落將星後來思燕頤麟閣仰丹青
許倩幼失所恃得地辦葬名其亭曰棘風求

詩紀事

擇鄰傳懿範負土踵前規回首樹萱錄動心吹棘詩
幽亭三鼎變吉壤萬家隨度曲薰絃絕臨風淚滿頤

汪德邵挽詩

監郡能名播分符治行高儀駕駒過隙不見鶴鳴臯
三徑賓朋散重樓柱石牢傷心丹旆舉舊事記松醪

彭叔容挽詩

襟宇無畦町鄉評有譽言官途材智出名閥典刑存
未試牛刀手俄招馬鬣魂有懷尊酒日揮淚北山昏

章令人挽詩

肥家尊淑範閱世悟浮漚風棘慈顏鬲堂萱子舍憂
六珈齊上壽一劍躍中流緋路傾鄰曲淒其松露秋

梁竝夫挽詩二首

材高易盤錯語妙出波瀾和氣如春暖交情耐歲寒
牧民千里治奉使五刑寬杖履裏陳迹琴亡曲罷彈
向來持國秉責禹合彈冠子節緣心計飛章或面謾
開陳疑已釋騰躍事非難履鍊長絨恨何知蓋棺

魏彥誠挽詩三首

星文推獨步風采偃先聲
沉慮千人廢高談一坐傾
蘇枯崇治効去草折茲萌
春霧新阡暗裁詩淚睫橫
偃月欺天日淫刑及反脣
程論傳學者粵嶺作流人
貽後端無憾瞻前詎有鄰
太剛終齟齬袖手老江濱
昔年同攬轡累日到門闌
題竹飛松管觀魚走玉槃
著鞭顏有媿推轂力何難
翻坐葭莖累塵凝貢氏冠

汪樞使挽詩二首

兩朝尊輔拂一德贊規恢
簡劾人所畏囊封天可回
指揮兵事密談笑塞氛開
尺五魁三象俄驚山嶽頽
天陞黃麻出同時拜寵榮
薦賢窺汲引謀國冀英平
睽闊仍寒暑吁嗟鬲死生
門人有碑誄不數漢公卿

榮國李夫人挽詩

斗樞光梓里壹德講魚軒
教子詩書足齊家禮法尊
相隨雙劍逝來弔一芻存
松霧銘旌暗悲歌塞墓門

許碩人挽詩

敬蘭光相闕采藻助儒宗
偕老金犀貴增封石窠重
川深雙劍合壤吉萬家容
遙想銘旌舉悲風喝霧松

向侍郎挽詩二首

策足王城日聲名顯妙年
勅裁無肯繁施置不拘牽

驚坐瞻揮塵豐財賴筭鞭中興良吏盛佳傳壓甘泉
沃轡環天下澄清今范滂帶牛薺破穴問馬智盈囊
踰七春秋足尊三爵德光鄉閭失耆舊緋路送車忙

余文特挽詩

史科榮綵服諾仕振芳埃金玉曾懷好珠璣言語堆
一麾臨白首八載厄黃能情話今陳迹悲悰袞袞來

張待制挽詩

松關辭舊隱平步漢甘泉破虜資長策豐財簡細旃
抹荒陰德大尚齒達尊全觴豆懷陳迹風悲馬鬣阡

彭仲光挽詩

吉德傳鄉鄙家聲企大儒九霄欣得路五馬議分符
歎息人琴逝淒涼鄰曲孤霜風丹旄舉松霧暗黃壚

樞弟挽詩三首

少小猶朋友陳編晝夜開同時題鴈塔旬月聚麟臺
詞掖君先達台階我後來傷心今古隔楚挽不勝哀
投老開三逕照翩北郭門禱花詩插架對竹酒盈尊
歎息千秋宅荒涼十畝園談叢鐺折脚雲暗即令原
靜鎮多遺愛存橋有遠謀禁林傳大冊宥地簡前旒
疾也勞心得生平撒手休三年棠棣徑倚杖淚爭流

陳公秀吏部挽詩

頃陟詞壇日初瞻鴈塔名坐穩甘獨冷揭節守真清
藹藹能陰中驂驪使卻行佳城千里外無處送銘旌

張龍學挽詩二首

今代風雲會何人善論兵丹墀凝睿想黃石踵家聲
瑞國儀千仞等邊妙兩楹重泉有遺恨不見復神京
中臺雙挈橐重鎮四分符并地觀佳政林蠻鑠異圖
犁添長樂犢鞭截豫章蒲處處甘棠淚黃童白叟俱

周尚書挽詩二首

九師迷易說皇極倡先天學苦章編絕名高鴈塔懸
朱轡多惠靈紫橐表甘泉歎息佳城閉喬松鎖暮煙

憶昨登瀛日官曹幸接聯再來聞國論及見上經筵
淵識闕靈憲嘉暮湊細旃生芻千里莫覓句一潸然

姚參政挽詩二首

發軔詞壇日曾同蕭寺盟望洋吞渤澥歷塊指幽并
不競二三策難淹九萬程君王顯賜第千佛漫聯名
晉書光三接霜臺肅紀綱栽培指佞草重疊上書囊
筆橐留施設鈞樞憶替襄傷心左溪路松檜已成行

周知郡挽詩

德比圭璋潤言如布帛溫休心馳官路寓意傲家園
侯國思遺愛吾鄉久達尊在城鄰別墅松霧望中昏

葉提刑挽詩

冠帶橋門擁曾披星斗文屬隸尋耿賈投筆遠淵雲
獻納頻三接平反自一欣淒涼真率會鷗鷺也離群

彭叔陽挽詩

買鄰喬木近不隔一牛鳴甲第夸新作高樓待落成
未教長緜壑亦合且專城矯首天難問傷哉挽鐸聲

參議第挽詩

新築久同隱崇桃存舊栽壺中春漫別花下我頻來
議幙三年萬喪舟千里回琴亡情話絕淚落有餘哀

盤洲文集卷第十



盤洲文集卷第十一

丁棟制



緣邊殘破州軍德音 隆興元年

朕惕奉慈謀務行仁政懼赤子之蒙禍敢起爭端會鄰國之厭兵弗渝和好以遣王抃遠抵潁濱得其要領而歸靡有毛毫之隱尋澶淵盟誓之信做大遼書題之儀正 皇帝之稱為叔姪之國歲幣減十萬之數地界如紹興之時憐彼此之無辜約叛亡之不遣可使歸正之士咸起寧居之心魏祀使車已越疆而通問淮南侵騎皆空壁以退師重念數州之民罹此

盤洲卷十一

田成

一時之難棟宇或遭於煨燼田疇併喪其犁鋤老穉有蕩析之裁丁壯有係纍之苦三冬匱薄千里繹騷顧爾何辜皆予不德宜推洗滌之宥少慰凋殘之情入藏文於戲歌鴻鴈之詩期莫桑麻之業息豺豕之戍俾無金革之聲尚冀循良之臣共敷汪濊之澤用陶協氣復見樂郊咨爾群黎體予至意

郊祀大禮御札

勅内外文武百寮等朕受

太上之燕詒宅域中之廣大將迎景奎初款園丘念報本友始匪尚乎虛文而交神塞明在顯乎誠意稽

皇祖之詔令敕攸司而討論凡染盛祭典則不改故
常若鹵簿賜式則俱從省約行潦潢汙之可薦斯舉
邦彞駢駒鸞路之勿修敢勞民力庶函蒙於繁祉以
大庇於黎元豐年無患於蟲蝗斥候不驚於塗火遂
成熙事用荅鴻休大號是盼先期道戒朕以今年十
一月二十九日謁款于南郊咨爾有司各揚厥職相
予肆祀罔或不恭故茲札示想宜知悉

郊祀大禮赦文

門下朕仰受燕謀獲承洪業刺六經之王制監百代
之禮文治壇燎以祭天警邊氛而遷日蓋昌陵始避

卷之三十一

二

日辰

於近晦在太宗嘗啟而用辛誠意動而二儀通孝道
專而九廟格致隣國講休兵之好實上空開悔禍之
期前事俱捐弗念乎薄物細故烝民咸乂靡分乎爾
界此疆五辰循宣夜之躔三白示豐年之兆進玉卮
而介親壽爰割縹儀借椒屋以慶母慈有光微躡祗
荷博臨之況敢忘昭報之虔啓蟄而郊飭周人藁秸
之具奉牲以告協漢世竹宮之時式履孟陬之端遂
逢先甲之吉靈心可卜帝武是繩乃哀四極之驩用
絜一純之薦款闕宮而朝獻假太室以裸將酌以襲
不同之宜取齊戒自新之旨瑄璧續臬權火配藜蒿

旂滇滇臚所求美光旁燭百官濟濟敬厥事熙典備
成載惟我宋之肇裡迺當乾德之盛際法皇祖紀元
之義采義文行健之辭誕易嘉名以寧大器宜推作
解之宥益廣好生之仁可大赦天下其隆興三年改
爲乾道元年於戲逆三神之釐既橫流於春澤接千
歲之統期丕顯於文謨尚賴臣隣協恭小大服采同
濟更張之治用承消選之休

郊祀前二日朝獻景靈宮 聖祖冊文

伏以丕顯聖德垂光在天源深流長基命積累肆予
微眇獲保宗廟神立備物亶惟其時沈沈闕庭靈旂
所御其香始升克綽永福

前一日朝饗太廟 帝后冊文

伏以天祚災圖聖聖繼武盛德必百世祀是之謂流
光施及非涼嗣無疆大歷服爰熙紫壇初交於神先
事一日入太室裸駮奔濟濟列陳嘉邊假哉皇祖啓
佑我後人永緝熙于純嘏

別廟冊文

伏以燁燁管彤卓卓坤極綏予孝子服堯之服上辛
改卜禮神頌祗絜粢廣壯既右饗之兆蒙祉福天下
艾安

郊祀昊天上帝冊文

伏以惟泰元尊不冒下土旋轉三辰闔闢陰陽元功
無垠蕩乎難名粵惟冲眇繼天爲子仰憲聰明求端
謹始茲執犧牲圭幣肇禋于郊邊蓋非馨於薦誠懇
高高降監是饗是宜事親保民惟皇其右之謹以玉
帛犧齊粢盛庶品消選休成肅若舊典

皇地祇冊文

伏以至哉坤元穆穆柔祇播生品彙配天其澤惟冲
人不德傳國于慈父用辛之吉禮行於郊宴娛安鷄
粵其敢不察時和歲豐皇建有極用永受于蕃釐

太祖皇帝冊文

伏以五季搶攘遠邇如沸寔天生德經武緯文滅除
凶災用肇造我區夏燕及曾孫獲繩祖武崇崇其壇
陟配上帝庶幾臨饗克昌厥後

太宗皇帝冊文

伏以天造草昧聖武布昭席卷畔援卒其伐功傳序
無疆于今九葉恭承禋祀瑄玉外壇烈祖烝哉克配
彼天於萬斯年介以繁祉

立皇太子冊文

維乾道元年歲次乙酉月朔日皇帝若曰在昔帝王

稽夏商家天下春秋之法立嫡以長主器繼明蓋取
諸震離所以尊宗廟重社稷也咨爾皇子少保永興
軍節度使鄧王食邑二千戶食實封八百戶惜生有
異表序居上嗣敦厚溫文金昭玉裕問寢視膳則盡
絲衣之孝親師就傅則樂聖人之道令德逐日以新
英聲隨風而流元良正本久矣僉望朕服堯之服兢
兢四載仰奉 慈訓肇闢春闈協華復旦日宣重光
懿哉鏘乎有國有家之慶也是用撰嘉辰御路朝盛
儀備物迎休于乾以冊命爾為皇太子於戲悉爾心
體爾身勿蹈非彝勿適邪佞惟誠可以格物惟仁可
以濟衆正言正道聞斯行之敬之哉用永我祖宗之
不命

除張浚少師保信軍節度使判福州依前魏
國公加食邑實封制

門下宅百揆而督五兵正賴籌邊之效冠三孤而張
六纛曲隆制閫之權我有明縉鸞于拱著具官某村
尊王佐道聳民瞻節操堅剛曾歲寒之不改規撫遠
大寧日仄而遂休蚤逢陽九之交上應魁三之象吐
玉尊之馭亘井絡以蜚聲下揚僕之船空潢池而掃
寇更險夷而一致謂文武兼資粵從紆野之游殆

爲蒼生而起肆予嗣服即俾來朝提江淮表裏之封
盡顛摠統佩將相安危之寄式重倚毗三年于茲庶
績用乂蒐乘補卒亦旣輸勞增陴浚隍未嘗徹警蓋
明報彭衙之役獨負壯猶武侯引街亭之愆靡形愠
色朕念疆陲之乂戍詔師衆以代更分遣從臣往宣
使指棘門如兒戲耳庸謹秋防衮衣以公歸兮燕聞
辰告疊覽指瑕之効且披請老之章欲畀舊官蓋無
故事是用出楓宸之異渥超棘位之巍班盪節有光
擇合肥之名鎮甘棠弗剪臨長樂之价藩行以圭腴
侈其真食於戲春秋責備於賢者慨功業之惟艱天

子加禮於大臣固始終之不替其綬言履母有遐心
除湯思退都督江淮東西路建康府鎮江府
江陰軍江池州屯駐軍馬依前特進尚書左
僕射同中書門下平章事兼樞密使岐國公
加食邑實封制

門下位上宰而通四海乂成調鼎之功開莫府以督
諸軍有賴止戈之略參考古今之制獨顛內外之權
式倚宗臣用疑丕烈剛辰允協顯冊具宣具官某學
博而識明器宏而用遠稟五行之間氣蓋彪外而彌
中冠四輔於兩朝實光前而絕後主盟公道杜塞倖

門業可侔於臯鼈言必稱於堯舜當群疑之未定每
潛畫而有餘事不一書既鏗錡於竹帛智惟千慮迨
契合於著龜聿高憂國之風遑恤盈庭之咎樞機周
密猶神爵五鳳之時廟堂雍容增大呂九鼎之重臻
茲殊效本自至誠朕獲纘皇基常懷戎事顧邊塵之
未靖方議尋戈搃兵柄而非輕孰能和衆若時英袞
正幹洪鈞文武爲憲萬邦真有兼資之美精神折衝
千里當收無競之勳蔽自予衷諧乎人欲俾仍提於
相印往盡護於師干煥泰階三台之躔益隆瞻仰括
尺籍伍符之數咸聽指麾自然增氣於貔貅何特知
名於草木乃陪井戶併衍爰田於戲兵事節度皆付
公吾豈從於中御天下平治誰舍我爾盍勵於遠猶
緬惟真儒寧煩多訓

除楊存中都督江淮東西路建康鎮江府江
陰軍江池州屯駐軍馬依前太傅寧遠軍節
度使和義郡王加食邑實封制

門下聽鼓鼙而思帥孰能折於遐衝賜斧鉞以視師
殆無踰於英望仍其制閫寵以揚廷具官某識遠而
明氣剛以果聲颺朔野知虎頭燕頰之名書曼邳沂
非風角鳥占之術勇爵號萬人之敵洪鍾銘百戰之

勳左右凝嚴掌西漢羽林之衛始終福祿繼汾陽異
姓之王近整轅門外開幕府飭備有金湯之固分屯
如箕翼之形遏彼北隣制於悍將靡思踐好不戒窮
兵若孛斗之妖星有踰淮之候騎雖丞相一勞弗憚
偶未禡牙念元戎三令已行宜申跪轂庶幾獨任可
以有成是用誕舉徽章特隆異數顛錫盾雕戈之柄
增淑旂元袞之威況國家或置督軍皆宰輔用之立
武惟此揔干之命是爲絕席之恩更廣圭腴益光竹
帛於戲諸將於是皆以兵屬朕既付以重權匈奴不
滅無以家爲汝盍追於前哲必圖來效庸副眷知

二十三

湯思退罷尚書左僕射同中書門下平章事
兼樞密使特授觀文殿大學士提領江州太
平興國宮依前特進岐國公制

門下冢宰佐王治國意實注於安危大臣以道事君
時具瞻於進退睦惟雅望久翊繁機旣殫上印之誠
宜厚秉鈞之禮誕揚坦制曷告羣工具官某器宇清
明材猷超詣樂堯舜之道阿衡專美於有商品淵騫
之篇揚雄度越於諸子軒然俊域籍甚要津烜赫北
門凝然綸於雅誥從容右府運帷幄之良籌結
慈陞之深知應台階之上象粵子纂紹復俾贊襄積

熙載之忠規整安邊之潛慮循名責實所期公耳志
私應變守文常以今而視昔方仰成之無間何引去
之甚堅選衆舉臯陶任蓋尊於一相事親若曾子養
已泊於千鍾遂其膏藥之懷失我和羹之助茲推渥
典用賁歸途鼎祕殿之崇資食珍臺之優祿式篤股
肱之義以全躰貌之恩於戲明哲以深其身靡炎青
蘊之舊喜愔不形於色可疑於對之游無起遐心斯
能終譽

除陳康伯尚書左僕射同中書門下平章事
兼樞密使依前少保進封魯國公加食邑實

封制

門下咨四岳有能奮庸實係朝廷之輕重圖舊人越
惟共政尤藉老成之典刑允諧虛左之求蓋積處中
之望誕敷渙冊曷告所廷具官某用博而適時量宏
而容物闔奧莫窺乎吟域奴隸皆知其清明學過況
雄貫古今之千載道侔伊呂踰前後之數公咸德
茲圖有聲揆路如著龜之決事以柱石而尊朝胡駢
投鞭軫抱火復薪之慮周京奠枕賴濟川作楫之功
輔我重華歷夫再歲轉洪鈞之一氣垓北無私陳泰
階之六符規摹可久方焦心多壘之日豈袖手東山

之年申戒使貂趣迎公來庶交修於內治能潛弭於外虞是用再冠魁衡仍司樞筦侈多田之真賦荒大國之新封以昭物采之儀以寵嘉節之寄於戲武丁得一傳說斯商道之復興江左自有夷吾宜晉人之相慶爾惟敬明乃訓邦其永孚于休

大同軍節度使提舉萬壽觀蒲察久安進封

開國侯加食邑實封制

門下朕虔卜上辛肇稱元祀合圓立方丘之祭誠格萬靈倡七始華始之聲孝轅四極既消於縉典難專鄉於蕃暨式獎旒臣誕敷一詠具官某性資純固

卷之二十一

日成

氣識靖深灌瓜昔在於邊亭削衽來歸於樂土陪周行而甚久知忱節之可嘉不顧望以事君遠追大祭以篤敬而傳國將若稔侯茲推賜昨之恩用答奉瑄之助乃荒侯社併廣戶租以彰惠術之行以示褒章之勸於戲甘泉歌鄒子之樂爰布青陽之祺徐廬同僕黜之封有加白馬之約徃有忠報永迪燕康

除吳璘太傅依前奉國軍節度使四川宣撫

使領御前諸軍都統制充利州西路安撫使

判興州進封新安郡王加食邑實封制

門下擁齋鉞以護坤維夙賴長城之扞奉介圭而朝

魏闕亘膺華袞之褒疏絕席之殊恩講臨軒之顯冊
迺涓剛日用詔群工具官其忠義本於天資智勇謂
之人傑書傳圯上非鳥占雲履之文氣蓋閔中固玉
壘銅梁之圍乘邊茲久按堵如初左啓右肱聳戎車
之四壯前兄後弟超轅門之二龍靈旗遠愔於雄稜
彝器屢銘於洪伐寬子憂顧時乃勲庸爰注想於英
規俾來趨於召節馳驅萬里恭謹一心周邦戎有良
翰與人咸喜吳公隱若敵國奕葉相望嘉福臆之壯
猶稱魁梧之異表盍盼徽數庸益元功象鼎折回槐應
上公於台宿苴茅裂壤開異姓之王封衍彼圭畚躬
其井賦以重登壇之寄以隆制閫之權於戲戢弓矢
而散馬牛方審包桑之意被介冑而生蟣蝨敢忘細
柳之勞徃服寵光式酬親倚

保平軍節度使龍神衛四廂都指揮使提舉

江州太平興國宮王彥加食邑實封制

門下魯人類帝用駢剛於上辛漢代祀天歌青陽於
肇歲朕考前王之成憲遵列祖之丕謨迺逢祈穀之
辰獲展欽崇之禮爰章景况普洽緜區有若勁臣可
稽渙命具官某識潛武志材壯戎昭從枕席以過師
屢書功伐執干戈而衛社嘗護邊陲久分齋鉞之榮

曲遂叢祠之佚茲推茂渥不替舊勳用增采邑之封
更侈食田之戶以廣逆釐之慶以申賜胙之恩於戲
開天庭以延群神既格宴娛之美建皇極而歛五福
厥敷殫隱之休徃服輝光益轅第祿

推誠順化崇義懷忠保信嚮德安遠承和秉
禮歸仁協恭勵節繼美功巨靜海軍節度觀
察處置等使特進檢校太師安南都護上柱
國南平王李夫祚加食邑實封加遵度功臣

制

門下朕卜辛日而用郊獲逢嗣歲陟午階而奠幣仰

盤洲文集卷第十一

一二

田成

格飈旂幸熙典之消成與殊方而同慶具官某性資
純一節槩沉深紹奕葉之勳庸守藩條之信誓仁惠
周於南紀聲明慕乎中區輦賚航琛不懈朝宗之禮
撞牙茸纛所資屏翰之雄視槐庭霖雨之臣兼栢寺
風霜之職寵之燾社虔若撫封茲循飲福之文用益
紀功之號陪之外戶侈厥真畬以慶侯度之恭以表
靈釐之廣於戲主祭而百神咸享敢專鄉於萬祥昭
德于異姓之邦豈遐遺於四裔其迎戩穀永底榮懷

盤洲文集卷第十一



盤州集卷第十二

內制一



撫諭四川軍民詔

朕嗣守神器于斯三年迺睠坤維邈在萬里會邊塵之未靖致戎備之不除乘塞護關久矣采薇之戍踰山越谷遠哉輸粟之勞或郡邑不值於循良故田里尚生於愁歎茲選近臣之彥徃專外閫之權挾纊以慰軍情下當戶曉褰帷以求民瘼大則驛聞推吾軫卹之恩酌以便宜之制必令四境之按堵惟恐一夫之鄉隅儻休息之有期庶榮懷而相慶

盤州三十二

曰成

戒戢賊吏詔

朕聞先王之時人有士君子之行在位者皆節儉廉清冰霜其操羔羊素絲之詩所為作也今則不然貪夫徇利廉耻道喪曷以廣田宅厚妻子為計谿壑無厭漫不忌憚甚者掩公帑之積私倉庾之贏賊民剥下浚其膏血嗚呼豈設官之意哉朕自臨御以來崇儉德蠲浮費庶幾廓風厲天下茲賊之吏未有聞而不治然速辜相繼何耶是朕德不能化罰不能懼也古者刑不上大夫唐虞畫衣冠而民不犯孰謂搢紳之士心無媿耻不若古之齊民歟夫先甲後庚申飭

教告而抵冒不已至于用法豈得已哉凡我諸臣其
洒心遷善勵淳白之節副揔核之政以長保其祿位
無或不悛奸我重辟播告中外使明知朕意

激諭將士詔

朕祇奉慈訓嗣有基業永念祖宗陵寢朝獻路絕黎
元塗炭屯戍未休朕爲人之後而不能報上世之憤
爲人之君而不能振斯民之厄故食不知味寢不安
枕未嘗以尊位爲樂也特以戰爭之役肝腦塗地不
忍南北之人枉罹非命自即位以來兩發聘使冀尋
舊盟而鄰帥主兵及境弗納迫行人再往始則立式

邀求繼則迫脅因辱朕以兵隙難開隱忍自屈仍遣
魏杞銜命復行不較禮文書誓屢易不愛四郡割以
奉之乃渝元約又求商州且索臨陣係虜之人是其
更變無厭必欲尋釁初無休兵結驩之意今使命逗
留議論不決積粟出船包藏罔測朕以

太上聖意不敢重違而宰輔群臣前後屢請已盡依
初式再換國書歲幣成數亦如其議在我可從無一
顧惜若彼堅欲商秦之地俘降之人則朕有以國斃
不能從也儻或不諧前好至於交兵天實臨之非朕
得已想彼兵民厭其黷武亦當嗟怨况我將校六師

受國家爵祿之又忠義所激自應奮勇捐軀為國雪耻夫立非常之事彰無窮之名醜賞厚賜朕不敢吝嗚呼兵凶器也朕既無德以脩二國之睦又無威以寢敵人之謀時當三冬而使軍士有暴露之歎人民有轉輸之勞害貽爾衆痛在朕躬凡百君子當念興師用衆匪朕本心我直彼曲動則有辭共輸報國之忠永享安居之樂

撫諭歸正將士人民詔

朕遣使約和首尾三載北帥好戰邀執不移自盧仲賢初議則有畫定數事叔姪通書之式唐鄧海泗之

卷五十一

三

甲戌

地歲幣銀絹之數及緣邊歸附之人朕志存好生寧甘屈已書幣上地一一曲從惟念名將貴臣皆北方之豪傑慕中國之仁義前去左衽投戈來歸與夫軍士人民厭厭腥羶喜我樂土朕知其設意欲得甘心斷之于中決不復遣前後書辭再三峻拒故彼逞怒無厭入我邊境若朕利於和好之速成不顧招懷之大信依隨所欲驅迫北歸則與淮北之民同為魚肉矣爾等當思交兵釁隙職此之由視彼如讎共圖掃蕩高官厚賜自有明科傳之子孫永保寧泰天地鑒照朕不食言

親征詔 不付出

國家一祖八宗積累基業至于

太上傳序在朕乘犬戎亂華之後境土裂為南北陵園廢於烝嘗二帝蒙塵終天抱痛皇族荼毒所不忍言自踐位以來焦心疾首思欲報皇祖之讎快四海之意而慈闈務行仁德群臣多主和議朕識不能料事誠不能柔遠屈已尋盟反墮姦計今彼擁衆涉淮犯我郡縣尚猶遣介持書邀索降將朕寧與之百戰豈忍驅逐歸義之士乎昔者數晉春秋之時鄭小國也介居晉楚之間城下之盟君臣同耻收合餘燼尚

能成功朕今不冒東南幅員之廣帶甲之衆若忍辱

事讎不圖一戰豈不貽萬世議已稽考故事展郊祀

之期朕將親臨江淮率勵六師用行征討凡我文武

軍民懷十聖二百年涵養之恩痛中原四十載左衽之難奮忠出力不與戎狄俱生大可以成功名而取富貴次可以寧父母而保妻子皇天后土實佑此行布告迺遐使知朕意

視師詔

朕以南北生靈受苦兵革會敵帥有通和之議不憚屈已委曲如約既得四郡尚復邀求書札方來兵鋒

已接朕識不能料事誠不能格物志在尋盟及墮其計使我士卒暴露民庶流離蚤夜痛心噬臍何及已稽典故改卜南郊將臨江淮親御戎輅師有曲直蓋不得已凡我文武軍民懷十聖二百年涵養之恩憤中原四十載分裂之難奮忠出力勿負國家大可以取富貴而求功名次可以寧父母而保妻子皇天后土實鑒此言已令有司擇日進發所過務從節省並不得有所搔擾布告邇遐使知朕意

又視師詔

朕以連年用兵戰上苦於暴露兩國交惡居甞不能艾安會北師之欲和走行人而就議凡往來之要約皆委曲而聽從以歸四郡之疆庶結万年之好豈期得地又復踰淮書札未回兵鋒已接使師旅冒於矢石生靈失其田廬嗟爾何辜由吾不德想遐遐之扼腕空蚤夜而痛心已展燔柴之期將尋細柳之舉親乘戎輅用靖邊塵夫師克在和理自分於曲直兵應者勝鑿可質於神明動蓋有辭事非得已惟我荷戈之衆士推轂之勁巨懷累聖二百年涵養之恩憤中原四十載分裂之難相勉忠義共圖功名猶螽蟴之嗜膚所當驅逐若能罷之奮力豈畏艱難

改郊祀詔

朕惕臨寶位始祓泰壇已敕攸司肅爾栗盛之備
將因長至展管蕭圭幣之誠會有邊烽尚馳羽檄方
治勞軍之計恐虧類帝之儀蓋事既問於甲兵則心
不專於齊戒若昔魯史私屢變於卜郊惟我昌陵日
嘗移於近晦况當至道之載適值繼遷之虞詔以來
春行茲元祀舊章具在故事可稽參兩朝烈祖之規
改嗣歲正陽之日庶幾玉燄可薦馨香宜頒一札之
書用諭四方之聽

改上辛郊祀詔

朕比以軍興未至郊見欲消建巳之月已戒先庚之
期幸消弭於外虞懼稽遲於大報敬惟元日正得上
辛合曾經啓蟄之文法周室用駢之禮神釐可逆猶
漢帝拜于甘泉祖武是繩蓋

太宗行于至道式從改卜虔舉彝章

皇帝答皇后詔

勅皇后夏氏朕祗臨寶祚初展履容消肇歲之上辛
得元日之吉亥嘉邊薦饗雅樂繹和曾霄呈明概之
祥繇寓洽虎鴻之慶端由內助獲舉精禋載閱芳函
益深褒詠

賜王彥獎諭詔

軍律之弊久矣握兵者背公徇私相師成風朕當饋而歎將誰使革之卿智勇篤誠山西之築召自萬里倚重江介不唯賴卿威聲籌策以訓兵固圉亦欲號令紀律為時標準也故將之去偏裨與阜紛然外進三風弱冗食者來曾不經意卿甫入轅門即能釐正忠實可嘉不負親擢人悉如卿朕何憂焉

賜劉寶獎諭詔

古之良將心在國家者嘗待敵之隙必以屯田為事今並塞多曠土朕欲舉行便且十二利遣九卿持節商度之未有大將意然為諸軍倡卿奉公體國自請留屯將以豐邊儲而省漕餉與避難懷誕者殊科至於脩治障隧汰簡將士咸振閩外之職忠勤如此朕甚嘉之

賜王彥獎諭詔

淮之西瀕塞數千里朕留意戎備不敢忽異時將帥不以國事為懷視心壞有故陰拱而不恤若秦越肥瘠者有之卿提兵扞城根于忠赤列成同心謀無崖異興治關隘修設烽燧所以固封守杜侵軼勢若常山之蛇諫大夫諭使指而歸女為朕言之防邊有賴

嘉歎不忘

賜潘清卿等乞以奉國公長公主所留金銀

助視師犒勞之費不以獎諭詔

漢武帝時干戈日滋大農所_止不足以奉戰士至出御府禁臧以澹之而帛貴高_止之家不拔一毫以佐縣官之急輕財體國_止海之內卜式一人而已耳卿等戚畹之彥心在_止室_止輒_止素裝以助軍須忠款如此與_止熾_止畜_止為_止我_止若_止_止顧_止卿_止新_止有_止陟_止岷_止之_止難_止養生_止送死_止之_止費_止未_止艾_止也_止朕_止亦_止安_止忍_止取_止而_止用_止之_止發_止不_止恤_止緯_止允_止蹈_止斯_止言_止載_止覽_止所_止陳_止不_止忘_止嘉_止歎_止

卷之三十一

四成

賜吳璘為發遣吳拱於祁山保寧處掩殺番

賊大獲勝捷獎諭詔

強虜騁兵騷我四鄙迺_止勝_止而_止垂_止之_止遠_止尤_止深_止中_止具_止之_止憂_止卿_止忠_止智_止根_止心_止策_止慮_止超_止卓_止遣_止發_止將_止士_止動_止中_止事_止機_止祁_止山_止之_止役_止大_止有_止斬_止獲_止捷_止布_止既_止至_止良_止用_止歎_止嘉_止所_止期_止元_止戎_止殄_止殲_止醜_止類_止用_止馳_止一_止札_止少_止寓_止褒_止懷_止

賜吳拱於祁山保寧處大獲勝捷獎諭詔

敵人寇邊再變月律將帥罷怯未成偉功朕當饋而歎時無頗收賴汝父子家傳方略天授智勇必能為我扞西鄙之患果聞捷音大翦僬悍更期盡力勿使

生存國有恩章朕所不惜

賜王彥時俊戚方獎諭詔

夫設險隘以固國嚴烽火以守邊自古不易之道也
卿董我師旅久屯于淮外無犬吠之警則已賢於長
城矣輔臣有言汝悉心竭力脩障隧備塞之具無一
不治嘉汝忠勤喜見于色金帛之賜庸示眷懷見知
則說尚其勉之

賜姚憲乞以糴到米一萬石助平江府常州

闕乏獎諭詔

夫以鄰國為壑者徒知平為我視越人之瘠者不足
以語仁爾治郡可稱救菑有術損贏餘之萬斛助比
近之二城免吾移粟之憂嘉爾汎舟之役用頒細札
以示褒懷

盤洲文集卷第十二



